

Wupisanje džěłoweho městna

W Serbskim instituće z.t. w Budyšinje (džěłowa městnosć) ma so k 1. januarej 2024 městno

wjednika / wjednicy zarjadnistwa (m/w/d)

we wobjimje wot 40 hodźin wobsadźić. Mzda płaci so po TV-L. Městno je najprjedy wobmjezowane na dvě lěće. Po tym je zběhnjenje wobmjezowania móžne.

Serbski institut jako zwonkauniwersitne slědźenišćo z někak 70 přistajenymi na dvěmaj městnomaj (Budyšin a Choćebuz) slědźi na polu řeče, stawiznow a kultury Serbow w Hornjej kaž tež Delnjej Łužicy w zašłosći a přitomnosći. Zdobom hromadźi a archiwuje za to trěbne materialije.

Čežišća nadawkow:

- samostatne wobdžěłanje zarjadniskich naležnosćow: financow a wotličjenja, controllinga, hospodarskeho planowanja, etata, wobhospodarjenja srědkow kaž tež zrěčenskich, wobstaranskich a rozdžěłenskich naležnosćow
- wobhospodarjenje třećich srědkow, sobuskutkowanje při zestajenju próstwow wo třeće srědky a dokładow jich wužiwanja
- samostatne wobdžěłanje personalnych a mzdowych naležnosćow
- zawěšćenje dodžerženja zakonskich a financielnoprawniskich směrnicy w financnych, personalnych a wobstaranskich prašenjach
- poradźowanje a podpěra institutneho wjednistwa w spěchowanskich a džěłoprawniskich naležnosćach kaž tež w administratiwnych a organizatoriskich naležnosćach
- sobuskutkowanje při towarstwowych a gremijowych naležnosćach

Wočakowane kwalifikacije:

- wuspěšnje wotzamknjeny fachowy abo wysokošulski studij we wotpowědnych fachowych wobłukach na polu financneho hospodarstwa, zawodneho hospodarstwa, hospodarskeho prawa abo pod.
- alternatiwnje přirunajomna kwalifikacija z wjacelětnym powołanskim nazhonjenjom we wobłuku zjawneho zarjadnistwa abo we wědomostnej instituciji w zamołwitej poziciji
- dobre znajomosće a nazhonjenja w etatowym, přidžěłenskim, dawkowym a rozdžěłenskim prawje, w tarifowym prawje zjawneje słužby, w džěłowym prawje kaž tež nazhonjenja w personalnym wobłuku
- wysoka měra zamołwitosće, samostatnosće a swědomitosće je trěbna kaž tež swójska iniciatiwa k modernizowanju zarjadniskich wotběhow (na př. digitalne rjadowanje zarjadniskich datow)
- rutinowany wobchad z MS-Office-programami

Džěławosć žada sej integritu kaž tež kmanosć ertnje a pisomnje w serbskej a němskej rěči wěsće komunikować. Wysoka angažowanosć, organizatoriski talent, teamakmanosć a fleksibelnosć so wočakuja.

Swoje **pisomne** požadanje pósćelće prošu hač do **15. februara 2023** ze zwučenymi podložkami na direktorat Serbskeho instituta, Dwórnišćowa dróha 6, D-02625 Budyšin abo digitalnje (přiweški jako pdf-dataja) na si@serbski-institut.de.

Kóštowych přičin dla so požadanske podložki wróćo njepósćelu. Prošu zapodajće jenož kopije. Jězbne wudawki k požadanskej rozmołwje so njezarunaja.

Serbski institut spěchuje powołanske runostajenje žonow a mužow a zasadźuje so za zjednoćomnosć powołanja a swójby. Tohodla su žony wosebje namołwjene so powabić. Na wosebite wobkedźbowanje ćežko zbrašenych při jenakej kwalifikaciji so džiwa.

Poki w k škitaj datow: Ze zapodaćom swojeho prócowanja přihłasujeće předžětanju Wašich wosobinskih datow we wobłuku a k přewjedženju procesa požadanja. Tute přizwolenje móže so kóždy čas bjez podaća přičin pisomnje abo elektronisce napřećo direktoratej cofnyć. Prošu wobkedźbujće, zo wjedže cofnjenje přizwolenja k tomu, zo njemóže so Waše požadanje w běžacym požadanskim procesu hižo wobkedźbować.